



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 八四

采山堂詩八卷 周 箕 撰

一

采山堂遺文二卷 周 箕 撰 余 霖 輯

一一九

介和堂集不分卷補遺二卷附一卷 任辰旦 撰

一四五

敬恕堂文集紀年十卷 耿 介 撰

一九七

采山堂詩

信芳閣藏

采山堂詩序

采武夷得其深清采台宕得其竒遠采衡岱得其正
方之氣采二華得其盤紆而抗躡作詩亦然惟實有
得於古斯能采其真非采其貌而已也青士與予生
同閨長同趣罹憂患相若風雨晦明晦斗酒慰勞輒刺
刺高畧風雅不輟乃予悲憤去故鄉浪游無定山見
山川人物不能一一陶寫竊自愧恨而青士足不越
戶庭一搖筆而所謂深情竒遠正方紆躡皆有之蓋
武夷台宕衡岱二華之勝無不浮浮紙上此豈貌古
者所能爲與予曰手采由一編以代卧遊撫琴動操
欲擊宗生共賞音矣王之槩雲淞父書

采山堂詩

王序

信芳閣藏

題采山堂詩集

世人於簞谷先生詩服其敏捷容或疑其雕飾未至
不知沈浸卷軸旣已擷其菁英遺其糟粕故能縱筆
所如蕭閒高朗出入於右丞襄陽太白而窮愁感觸
一以澹花老人爲宗然則世人所疑其未至者乃先
生之詩之所爲大工也抑嘗念詩之爲道自毛傳鄭
箋以降言詩者尙文義而昧音節茫茫千載絕學無
傳先生向有詞緯一書能究聲律之所以然以示後
學此又可以見先生爲詩學之準繩無疑已平湖陸
采山堂詩

陸序

一 信芳閣藏

奎勳拜書

原序

周先生質嘉興府志文苑有傳所爲詩已多散佚鈔
存采山堂集猶逾千首先生晚歲客燕時謂歸當自
爲刪定而竟不及爲茲刻古體依竹垞先生曩時決
擇今體則張君博山陸君聚縑續閱去取稍異從而
酌之又舊刻一卷桐鄉汪氏刻入視昔編一卷有不
見鈔本者錄以入集編次爲八卷嘗聞前輩論一時
風雅各予一字評評采山曰大蓋由胸次浩然中來
也明詩綜詩話稱其集中醉書作可當一幅寫照於
采山堂詩

李序

一 信芳閣藏

書

戲飢凍不少顧吟詩作歡娛是何等胸次哉李維鈞

采山堂詩鈔小傳

鄒方坤

周簣初名筠字青士別字簣谷嘉興人少遭亂棄去舉子業不治受雇賣米府城初破有括故家遺書連船鬻於市者買得一船積樓下每日中交易箕筭斗斛權衡堆滿肆於櫟杙中撥亂書讀之窮年矻矻糾史讎經蠶頭細書盈尺滿笥未嘗少暇息其爲古今詩句敦字琢超超拔俗不輕襲前人片語時同里王翊范路沈進路弟子繆泳秀水朱葵尊海寧朱一是交賞其詩與相唱和四方名士過者輒留飲或釀金

采山堂詩

小傳

一

信芳閣藏

會餐泊舟於門相接也胸無柴棘人有匱乏傾肆中錢米給之歲潦出私錢爲粥以食餓者既急人雖又交遊漸廣有請必應由是生計日窘往來嘉善桐鄉以詩格授人每出少年子弟三五執詩卷隨之行援止者或數日留留或不辭去嘗元日挈子敗至貳康銅井山尋僧轉入山徑時已昏暮去山二十里雪甚虎跡交於塗循澀路前進敗哭於後不少顧遙望林中燈修修就之則僧墨浪所居僧曰山多虎居士遠來得不心動乎曰吾行不失道心一動則飽虎口矣

因煨芋魁共啗雷信宿乃躋山顛徧歷七十二精舍而返其儻曩不羈多此類也晚年詩趨率易嘗醉書五言云似士不遊庠似農曾讀書似工不操作似商謝奔趨立言頗突兀應事還粗疎饑凍不少顧吟詩作歡娛真可當一幅寫照矣

采山堂詩

小傳

二

信芳閣藏

采山堂詩卷一

嘉興周 質簪谷著

和陶淵明飲酒二十首

至人每任運遷幹隨所之春榮而秋落草木皆由時
少壯逝風昔衰老成今茲夭壽固不貳待盡將奚疑
有酒良可醉惜無友生持

又

吾家梅花溪近陝東西山虛堂日多暇有懷託空言
不能事干謁守拙窮歲年閉關學劉伶頌酒亦可傳

采山堂詩

卷一

信芳閣藏

又

鄙夫既昧識太上能忘情二者類相似愚知何以名
得失苟未齊曷由超死生名教自有樂寵辱何足驚
友朋非天屬所貴在相成

又

有足不善息有翼多妄飛足疲及翼鍛然後生哀悲
內外雖異養形神本相依處士慎末路遊子希早歸
竭智反成訕譬若強弩衰願作虛舟泛福心不我違

又

一室居妻孥厭聞機村喧茅茨營小築越在水竹偏
檐端落空翠長對溪南山亦有素心客午至夕不還
溯往猶歷歷翻疑酒中言

又

今人未盡非往古豈皆是所見各有偏因之生譽毀
一醉可兩忘君然我亦爾不見寒潭空近夕生霞綺

又

葭露秋靡靡松雲夕英英伊人不可見鬱鬱空含情
蹇步豈不遲畏彼疾走傾黃鐘雖在懸小扣無大鳴

采山堂詩

卷一

信芳閣藏

萬物豈無役有涯嗟吾生

又

山木輪囷理海鶴雲霄姿雖微棟梁具寧顧鷦鷯枝
嗟彼沉鬱士所得還經奇三年一飛鳴不逐庸庸爲
苟無棲豆戀良馬寧見羈

又

久客積憂思對酒不一開登高試延望彌切鄉里懷
賓遊亦不惡奈與素志乖鷺鷥慕冲舉鷺鵠安卑棲
山處難自致潛躍隨霄泥厲風濟衆駭萬籟各自諧

泰隨三人行無同七聖迷屢空亦何害庶幾陋巷回

又

人生志意失難免一向隅當時阮嗣宗稅駕緣窮途
縱非利名役亦被饑寒驅飲河譬偃鼠滿腹寧求餘
力稼秋有獲速營菟裘居

又

蕭瑟名士風我希郭有道超然黨人外優游以終老
三君豈不偉華盛卽枯槁達士得喪齊無醜亦無好
東國稱人倫甄善是爲寶孤鴻飛冥冥誰能弋雲表

采山堂詩

卷一

三 信芳閣藏

又

蜀狗人蹤存爲用僅一時功成固可去須學留侯辭
數澤不隱賢嚴鄭終在茲通介各有稟毋爲首鼠疑
當其勢相軋骨肉猶見欺江湖可相忘游泳隨所之

又

金紫非不榮轉眼卽前境焦鹿分夢中眞幻未能醒
君平世交棄妙理得全領脫屣紛埃中豈無眞與穎
殘月當晦弦且讓列星炳

又

采山堂詩

凜凜冰雪寒幾日又長至客子坐自傷兀兀有如醉

子姓各遠行誰當慰旅次幸役非所期息游乃爲貴

挹泉釀薄醪愛此淡中味

又

惟昔童子鴻曾賃臯通宅流風向千載廡下有遺跡
少賤棲市門使我累歎百志氣苦不勝緇磷失堅白
一醉苟可圖囊錢更奚惜

又

遲暮祛百慮少小憂患經貴賤同百年有志何必成

采山堂詩

卷一

四 信芳閣藏

耕田以求食誰免役踐更幸讀數卷書得遊儒者庭
寒松無媚色好鳥不妄鳴朱門與蓬戶彼此皆忘情

又

吾性本坦率竊比柳下風閱世如雲浮不留習次中
跡異情不殊事礙理則通得失無定在恍焉楚人弓

又

旅牕寂無事弄筆亦云得工拙不自知誰當析同惑
興至情或生愁來思常塞一夫而兩心蠻觸成異國
揚子娛斯文章立守緘默

又

家世居市廛未嘗希祿仕擾擾風埃中詎敢輕失已
升斗苟可謀駟曾諒非恥如何越山川垂老去鄉里
應跡雖無方立身應有紀虛名爲實實一悔便當止
兒童日以長課耕歸可恃

又

賢者有達權僞士多冒真世苦乏甄別難挽風俗淳
於人貴求舊匪同器求新屈平固瞻楚揚子乃劇秦
潔志爭日月浮名抵埃塵學古斯有獲貫穿任苦勤
采山堂詩 卷一 五 信芳閣藏

夜眺

少壯性易移老成宜夙親登山必求徑涉水當問津
但令矯志意無爲飾衣巾曰歸豈不懷須我攜手人
中夜松徑黑不知山月高迎風動林木萬竅皆怒號
宛如泛孤舟危坐驚波濤溼螢墮遠水野鶴鳴寒阜
人生亦何常哀樂隨所遭長歌望河漢何以解鬱陶

又

斜月澹林表荒園曉森肅幽人未能眠長歎起躑躅
秋風何蕭蕭落葉滿原陸側見明河傾轉覺飛光速

荒池映寒星歷歷時在目游魚駭沉鉤棲鳥飛難宿
出處寧有殊險易隨所觸一唱勞者歌歛歛淚相續
秋日王滋萬招同朱近修錢爾載陪古南牧公
休懸兩上座游爰山作

清秋氣森爽一水搖空明樂哉茲日游遂我滄浪情
逶迤轉林麓空翠忽杳冥隆隆見山脊隱若飛梁橫
得從緇錫侶復與賢豪并靈境固有待高懷亦相成
山房蔭松栢下視原隰平連岡既窈窕前峯復崢嶸
冷洽乳泉滴藥井莓苔生神迹逝已久茲山猶書名
采山堂詩 卷一 六 信芳閣藏

結交

幽棲何當遂使我塵慮輕
第兄本同氣所稟或有殊一朝意氣乖覲然如道塗
結交乃異姓反覆誠可虞肝膽空自許安知非見誣
徒然事談笑緩急何所須嗟哉今之人結交良已愚
送馮文子南歸

少年盛意氣徵逐唯酒徒投分互矜詡異已斯見誣
古來英雄人大半起釣屠乘時雖各殊奮發皆長途
我歌伐木篇鹿鳴貴相呼晝夜相代明不異兔與烏

龍門有桐枝丹穴多鸞雛眷言二三子文事能相娛
豚魚亦可格取信由中孚言歸亦何遽實恐田園蕪

又

飛塵日幾許車駢行其中素衣變成緇悴我冰雪容
浮雲塞四野何由辨高穹巖谷遂棲飲未必皆困窮
巢由不事義會何害熙雍諒哉商顏老漢初有懿風

又

游說藐大人倨侮訶草野苟言不由衷撝謙亦云假
顧彼淺薄夫得少輒自嘆魚目溷明珠識真世良寡

采山堂詩

卷一

七 信芳閣藏

拊髀歌烏烏那足繼風雅瓦缶既騰聲黃鐘不辭啞
簪纓自相高肯爲布衣下歸去有丹梯藏身期白社
虞卿老著書本是窮愁者瑚璉世所重未必君能舍
高設園先生有和龜山此日不再得詩慨慕之
餘聊次其後

此日不再得言歸事農桑弱齡頗好奇間亦窺三倉
學書苦不竟荏苒虛流光師友早見背長夜寧復陽
替者既失導欲趨還昧方冥行恐陷墜懷若背負芒
少成雖不獲晚就良所賦爰悲筋力衰精血半已戕

神人善陶鑄曾不遺杞櫟爲感被褐夫尺璧能懷藏
陳根萎霜雪春至靡不芳畏怠可賈勇沉潛克惟剛
外榮易隕落內美殊裔皇從知累千里實以纆牽長
夸者死權術何如守齊莊懿哉彼鳳鳥豈徒炫文章
白駒在空谷亦匪輕食塲進退苟不遂何異羸角羊
韋弦古有訓佩之毋或忘紛華與道義戰勝在自強
援濟以聲類致遠如舟航居易罕所愆微幸安可常
流波尙遺操子期今則亡誠令志意適塊獨庸何傷
直道由素履庶幾儕古狂

采山堂詩

卷一

八 信芳閣藏

酬曹生竹澗

涸魚美幽壑駭鹿思長林慨此越鄉客寧無戀故心
尺書忽遠至慙慙一何深感子三致意涕下難自禁
新詩復古雅鏗作金石音求師由夙昔結友匪自今
藏珠不吐耀淵底寧終沉

又

去冬尊酒別朔氣長林吹登途策征騎繫爾千里思
行藏固任運南北隨所之吾願在邱壑伊誰兩相知
桑榆景垂迫回車亦云遲高松歲寒表野鶴凌霄姿

衰顏復拘束對此中心悲志氣貴早達寄聲無後時

巖山詩贈霍子秋次施愚山韵

茲山未滌初沙土隱巉骨徒存獅象形未辨僊靈窟
高人手眼殊區別晰毫髮始驚擴一門旋訝屹雙闕
參差逶俯仰前後互瞻忽或坐如負屨或拱若秉笏
枝拄或類凭奔趨或同厓洞裂疑奮蛟巢古有棲鶻
我來探幽興正值仲冬月凝陰正凄冷陽氣猶未發
肝駭神屢搖錯愕興頗兀愧無傑句留相次鐫石碣
絆足絡古根墮頂有飄核掌分華嶽秦臂截羅浮粵
采山堂詩 卷一 九 信芳閣藏

回望蒼翠橫側見斜陽沒輕橈遽欲歸心賞詎能歇

過白蓮寺觀銅槍

是錢鏐時故物
惜果得之施顯此寺

銅槍如片瓦鎔鑄何工巧隆起欄楯形圖識尙可了
知是五代物厥惟錢王造是類萬有千聚散不可保
幾歷兵火災存者今已少蔣生間獲之什襲逾重寶
施舍鍾精廬此意實微渺誦公喜我至出視光尙皎
窪處填黃金顯見諸相好屠兒額偏廣下放刀仗小
一者既若斯諸餘皆可曉

范子聖游手錄予詩文雜稿哀然就賦後餘所

散棄者感而賦詩一首

昔人有異嗜曾說劉邕痴此理不可詰往往爲歎嗟
范子少敏學讀書將五車既博反之約各理庶可嘉
何爲昧好尙不擇金與砂奇卉爛盈前拾此焦腐芽
伊余苦窮蹙顏面無光華放言吐胃臆誕謾不足誇
何能救凍餒嘗毀但益加怪此不祥物隨散如煙霞
鴻飛既霄漢爪跡猶在沙君豈愛我者痼留癥與瑕
八詠昔已少五噫今則賒古調豈易及愧茲雜淫哇
卮言雖日出吾生亦有涯齒髮不自保誰能顧其他

采山堂詩

卷一

十 信芳閣藏

感君區區意心期于載返

獨酌南鎮旅舍率爾成詠

山館夜來寂兀然孤坐深濁醪且酤我聊用開幽襟
梓實味亦佳主人以梓實下酒知余多苦心傾壺不覺醉翦
燭成謳吟松篁發清籥星月開重陰適意且爲樂無
合憂思侵

放鶴洲公譙詩

秋氣日森爽白露滋園林芳洲有叢桂鬱鬱蘭堂陰
竭來遠方客惠然適並臨清風起坐隅朗月如在襟

誰言東陵貴種瓜歲已深虞卿老著書海內懷知音
良譏既已設芳醕行復斟盍簪豈不豫感舊多苦心
凌霄淹舞鶴古調淒瑤琴願言歌既醉無然憂思侵
中庭有梅一樹頗瘦勁今歲叢條鬱發枝葉敷
陰牕几間皆作縹碧色時讀書其下恒作山巖
林薄間想一日他出童子以其蔽明不請而翦
余歸傷之爲作是詠

幽蘭在空谷無人亦芬芳不幸生當門分見相賊戕
嗟我庭中梅栽爾五尺強扶持十年力灌溉誠多方
采山堂詩 卷一 士 信芳閣藏
蟠曲勢難展稍能出檐牆雨露既溥滋枚枚忽敷張
綠葉成濃陰虛室增幽光物性各有遂余心良所臧
童子何不謀忽然加斧斨悔余不夙戒護持失隄防
久成毀惟速茲埋庶可詳金隄壞蟻穴堅冰由履霜
致慎在微細覽茲起僇徨

海烈婦詩
女蘿弱無依願託松柏枝女子有所歸冀得相保持
歲作勤晨昏辛苦安敢辭上天降災害百里悲薦饑
豈不念鄉土飄若浮萍移渡江聊就食四顧無親知

采山堂詩

眷言就同姓庶幾蒙惠私

又
迢迢千里程至日如獲歸孰知復遠調望願殊乖違
欲住無因親欲去難奮飛哀鴻中野號慘惻將何依
道路逢所親言戍東海圻相見重相惜感激徒歔歔
居人豈不死行者良已非

又
故鄉道修阻曰歸非易圖五里一惆悵十里一長吁
殊邦非我止旅舍寧我居困窮有不擇局踣跡所趨
采山堂詩 卷一 士 信芳閣藏
嗟彼路旁人煦沫徒區區比匪古有戒良人亦何愚
毫末苟不慎禍患生須臾

又
河水流澌澌日夜思故鄉大江橫我前利涉靡舟航
旋歸豈非願受役寧所望美言以爲餌分見相賊戕
吳門遣爲市敦迫何倉皇豈伊怨離別竊恐人無良
掩泣不得語但焉心內傷

又
人事有倉卒倉卒難爲謀手紉羅襦裳百結加綢繆

饑餒分所甘疇能慕珍羞南金粲前列未識意所求
神明與正直爲慮胡不周茶檠充我襟誰復知苦愁
守身安所秉不逐江水流

又

夙夜豈不戒橫逆來無端傷哉此僖子憤激摧心肝
井水清且冽有異濁水澗號泣呼穹蒼悲風爲我寒
中心自有託誰謂就義難尖擇非一朝赴死誠所安
聲詩如不泯千載爲哀歎

次韻答吳日干

采山堂詩

卷一

信芳閣藏

少壯不自勤垂老饑凍逼顧慙蒲柳姿難與雪霜敵
誰言失東隅收之桑榆久但計一瓦全寧問十碎璧
讀書不成名在世奚損益交遊日欺給骨肉每戕賊
自非生憂患於何表勞績延陵有高風早得望顏色
介石性所操詎肯妄衣食無慚一瓢飲高臥三畝宅
恒榮亦儻然取効稽古力時命苟我違賢豪困無策
素絲爲立黃岐路復何適同病豈不懷貽詩解煎迫
秋日集清畏堂得望字

霜葉朝盡飛寒林通一望端居無所爲顧影自惆悵

忽來良友書招我共閒放荒園昨屢遊旨酒今初釀
菁華正紛披買勇誰多讓伊余日衰邁闕略速譏謗
茲幸廁羣賢已歛接高唱節操良可矜文詞非所尚
損益在友生無爲昧趨向

集史園得柳字

史家池館幽數子集已久我來獨遲遲夕陽在高柳
連朝過僧房此日傍書牖池光澹蕩開竹影參差受
牀鳴叔夜琴巾漉陶潛酒英年契相投何事及衰朽
愁顏雖一解自覺中心負

采山堂詩

卷一

信芳閣藏

贈王芥石

吾聞唐虞世高蹈稱由光天下無所爲名實期兩忘
用之尙逃避舍焉寧不藏亦聞漢初老采芝去山岡
時清遂借隱潔已誠所臧奈何迫末季馳騫皆若狂
靡恥不復顧誰爲立綱常先生獨皎皎制行何慨慷
冥齊本夙契魯連未殊方脫身去故里負未東海疆
耦耕惟孔懷龜勉鴻雁行隱約三十載不厭糟與糠
衣食謝故人相恤非所望願言貞苦節今已兩鬢霜
嗟余僧牆東聞聲日已長今始得移轍適又病在牀

念之中心痛涕淚紛浪浪寸心苟不失百折庸何傷
采薇有遺詠庶並垂芬芳

贈蕭芷厓

志士各有託達人無定踪馬牧可自給牛僧亦相從
世隆重高尚代降嗤從容奇節今已稀尺水無蛟龍
何知亭林地歲寒表青松躬耕勤十畝誦讀窮三冬
王侯易驕倨未敢要迎逢余亦久屢市終得爲老農
何當結茅宇與子棲雲峰

雜感

采山堂詩

卷一

圭 信芳閣藏

昔賢重寡過今人胡不然獻規親戚離諂曲他人連
高明神所惡瞰瞰難自全和光在埋照行美去自賢
大易亢有悔老氏不爲先君看鄧林植夸父真可憐

又

勿探鸞龍珠勿撩猛虎鬚龍擾猶殺人虎怒殘爾軀
安行君子德嘗險誠何愚鵬飛九萬里鸞鳩搶枋榆
彼是不可詰齊物徒區區

又

神龍在汙泥不如尺寸鯢志士失所圖鄉里亦見嗤

采山堂詩

寶劍非不利在匣靡所施鉛刀日進御用舍惟其時

日月有照臨蒼蒼詎云私黽勉愀腹輒軻聊自持

又

嶧陽有孤桐可以中琴瑟良工不知求委此懿美質
朱紱世不乏清越誰與匹遇合古所難臨風三歎息

又

東隣有好女顏色如朝霞嫁爲貧家婦辛苦無怨嗟
晨興事蠶汲夜績苧與麻西隣盛歌舞紛若桃李華
娛樂不可極無爲事矜誇狂飈起中夕飄落隨泥沙

采山堂詩

卷一

圭 信芳閣藏

何如歲寒節後凋良所嘉

又

中國有葵藿探掇資朝餐泌水可樂飢取足瓢與簞
桑麻日已茂紡績亦非難誰能慕綺羅苧葛幸自完
嗟彼夸毘子朝夕不得安殫力趨權豪刺促多煩冤
富貴亦有極徒令智者歎

又

去年學造蓋亢旱日已多今年學造車陸地忽成河
早潦會有時我業則孔訛蒼蒼既無私命也將奈何

硤川夜歸

新月看欲墮去地纔數尺清秋氣明迴天水澄一碧
舟從樹杪移峯向雲端失燈火映微茫家園望中出
宿鄭甥水閣

朝雨旣至夕夕雨復不休朝雨連夕雨客心愁不愁
吾生苦飄泊到處成淹留十旬九旅食五月仍被裘
鄭甥後來俊愛我情綢繆朋儕尙有合况此宅相求
水閣面虛敞俯映清江流石渠水湍激喧譁行舟
輾轉不能寐坐擁衾與稠檐溜正滴瀝聽風復颼颼

采山堂詩

卷一

七 信芳閣藏

言念失壯盛垂老安所謀去家無百里已覺懷千憂
實嗟筋力衰行止多愆尤君年尙英少貧賤守故邱
風騷夙耽嗜佳句如琳瑯惟詩能窮人頗悔似舅不
爲學貴本根致身必有由美爾抱忠信言誓無不酬
鍾生^淵痛長往查子^容惜遠遊賦詩三歎息涕下不
可收稟賦有特異沉摯良寡儔吾衰世方棄視我如
贅疣對客拙言辭輒軋軋思若拙豈無伏櫪志屢蹙空
僻憊偏側請上鷹浩蕩波中鷗霄漢會中舉寧復思

滄洲

桐川謠集詩與潛飛人遠

吾友多散處會合不可常况復去故里館此梧桐鄉
寧知犧雙戩一笑偕登堂要約每難踐邂逅豈易望
主人愛嘉客醪醴湛盈觴清飈下喬木薄袂生夕涼
羅幃卷復垂燦爛銀燭光翰藻縱橫飛託志何慨慷
潛鱗伏深淵矯翼雲端翔用舍各有時分義皎秋霜
會聞累千里實以纒牽長樂飲不期醉庶幾持珪璋
同懸崖和尙郊步

采山堂詩

卷一

六 信芳閣藏

密篠映水中夕陽挂林外得偕清淨侶似欲形骸蛻
外物猶糾紛獨此心君泰習習聞谷風參差入清籟
集西園得梵字

季冬人事促應接每苦乏又從諸子招花宮近僊梵
庭松欵可撫沼水淨堪鑑日暮聞樵歌林端見風帆
叢梅雪未侵臥柳波欲蘸頌酒念劉伶鑿山思謝監
幸一起網羅不終納阱陷寒威稍凌厲夜色漸遠澹
迴翫意遲遲詠歌聲颯颯努力繼前修無爲久沉淪

松之雨中見訪

吾屬多栖遑歲晏靡所止叩門有故人權自吳江水
雨雪沾危冠傾歎失瞻視賣藥計已非屠羊業仍徙
相違咫尺間不異千萬里炯炯心詎忘久要期鮑子

有生

有生斯有累窮達會不殊窮既困衣食達亦多憂虞
鹿鹿百年中等是一須臾余也早悟此逝欲超寰區
壯歲盛意氣頗爲浮名趨交游判今昔各自爲悴腴
葉落見本根擲若枯朽株不材終天年庶與運化徂
初秋十二夜對月

采山堂詩

卷一

九 信芳閣藏

尋收已戒侯向夕開層陰微雲薄霄漢素景生東林
臙臙入虛闕延此欣賞心况復平生交相與同謳吟
仰望列宿光寥落悲辰參雖非三五期皓彩良已深
持盈古有戒休惕方自今

寄龔蘅圃同沈南渚蔡嬾人朱西峻作

昔人論相知識性乃爲最賦稟或有殊所貴去甚太
英賢失所依往往淪埃壘志士有不爲寧惜死溝渚
春中積晦陰未卽散昏靄鬱下無勞薪米粒罄困瘠
少年無遠謀垂老悔後汰始焉感此離馴致歷顛沛

采山堂詩

一投陷穽中誰索形骸外季布託朱家隱忍就鉗鉤
伍胥出蘆中吳市亦行丐何期哀憤心適與窮途會
回首念牆東故業失牛僧間闔不可排空復事虔禱
有子病孱弱力難撫弟妹焚溺手肯援實惟仁者賴
偉哉唯龔君積學盛璣貝武庫耀冰霜豈惟閱戈祲
侍親布仁澤半壁溥汪濊潭龍非久潛岡鳳終遠颺
疇昔登堂初顧盼得清睞左右偕查生相倚失狼狽
春秋重尊王大義發微昧衰衰貶則鉞亂賊無可奈
於何事穿鑿拖沓如病瘳解經貴得意義不以文害

采山堂詩

卷一

三 信芳閣藏

君能搜諸秘否塞使成泰餘事寄聲詩笥竿啓天籟
精鑿如稻粱春籟棄糠粃嗟余赴壑蛇鱗甲未能蛻
綠壁蝸涎枯負山蚊力叢尊成五石匏病已三年艾
東陽似壺冰坐對忘爰惕中郎筆淋漓有若春雨霈
阿游亦超然凌霄馭雲軌徒勤執鞭弭張目苦遼肺
爲學非一師吟成並蔚蒨油如山山雲激如奔泉瀨
粲如織錦機整如行軍旆爽如齒哀梨鮮如斫霜臙
大雅與小山扶輪且承蓋聯句得彌明封侯輕李蔡
蟋蟀歌王幽蛭蛸賦曹檜自傷季女飢敢倚夜郎大

諸君慮前茅余庶充執銳中堅合有人鼓行須視旂
戰勝還息陰閒門愁杉檜那無翳郭田坐不飽羸羸
王貢彈冠纓僑盼存縞帶車笠雖有殊奚慚合圖繪
將同雪坡之鹽官先寄白門兼寄西野尋干二

子

久寓梧桐鄉春去夏復半每念我從子遠隔滄海畔
同姓說所敦亢宗在強翰愧非大阮才託好共柔翰
望秋蒲柳姿兼是西日肝汝器良青雲旭日扶桑旦
昨者曾致書六經誦初貫左國義稍通餘力及兩漢

采山堂詩

卷一

王 信芳閣藏

陽回土漸膏風轉水自泮循序可究途躡等不成段
欲速常苦遲愛深強一噴朱子鄉里賢錢生藝林冠
晨夕諒不違裨益安可算憶昔屢追遊觴詠頗凌亂
未嫌曼倩諧豈怪稽康誕蘭室春展屏荷亭暑張幔
觀濤雪鷺翺望月銀蟾爛歲月如電馳難聚易分散
秋懷未少忘寤寐增承歡琴川水顧郎旬日得燕衍
臭味幸不殊兩硯同一案夕寢聯衾裯晨興並漱盥
主人投轄殷不使袂就判倡和盈百篇鈔錄將脫腕
明朝許放行檻馬解縑絆謂爾玉樹高芳草欲寒玩

雖惡謝家譽諒匪羊公謾交綏或成退當敵豈能鼠
牀頭酒幾何且爲辦魚蒜岸幘聊息陰披襟乍揮汗
惠好情諄諄直諒詞侃侃爲我致二君要欲酬客難
再過金明佛閣次韻

人生無定踪曾不異蓬梗所貴擴胸懷隨處識煙景
嗟余雖坎坷豪放資素秉祇圓得偕遊喜接清涼境
迴閣憑虛無形勝得全領遠岫分羣光澄湖攝衆影
不知檐鐸喧但覺林梵靜中有善導師規範頗嚴冷
聽法回魚龍遂性到蛙黾竊愧學佛疎短梗汲深井
采山堂詩

卷一

王 信芳閣藏

顧烈女詩

蔚州有烈女言是宋家姝在室猶未嫁夫亡殉其軀
黃鳥爲哀鳴飛飛啄場穀誰代阿母春日暮聞歌哭
相去數千里詩歌遠流傳吁嗟顧氏女志節還比肩
其名曰季蕤系出姚莊族納采張家兒年壽何短促
生時一相許歿後終相隨坐席尙不更所天詎可移
家人漫勸慰我自有成識願一見阿翁婦道從此畢